

«ՓՐԱՅՄ ԿԱՊԻՏԱԼ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

2025թ դեկտեմբերի 31-ին ավարտված տարվա համար

ԱՆԿԱԽ ԱՌԻԴԻՏՈՐԻ ԵԶՐԱԿԱՅՈՒԹՅԱՆ ՀԵՏ ՄԻԱՍԻՆ

ԲՈՎԱՆԴԱԿՈՒԹՅՈՒՆ

	Էջ
Անկախ աուդիտորի եզրակացություն	3
Շահույթի կամ վնասի և այլ համապարփակ ֆինանսական արդյունքների մասին հաշվետվություն	6
Ֆինանսական վիճակի մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

ԱՆԿԱԽ ԱՌԻԴԻՏՈՐԻ ԵԶՐԱԿԱՑՈՒԹՅՈՒՆ

«Փրայմ Կապիտալ» ՍՊԸ Տնօրենների խորհրդին

Կարծիք

Մենք աուդիտի ենք ենթարկել «Փրայմ Կապիտալ» ՍՊ Ընկերության (Ընկերություն) ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ 2025թ. դեկտեմբերի 31-ի դրությամբ, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները տալիս են Ընկերության՝ 2025թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմք

Մենք աուդիտն անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի (ՀԷՄՄԽ) կողմից հրապարակված «Պրոֆեսիոնալ հաշվապահների մասնագիտական էթիկայի կանոնագրքի» (Մասնագիտական էթիկայի կանոնագրք), և պահպանել ենք էթիկայի այլ պահանջները՝ համաձայն ՀԷՄՄԽ կանոնների և Հայաստանի Հանրապետությունում ֆինանսական հաշվետվությունների աուդիտին վերաբերող մասնագիտական էթիկայի պահանջների: Մենք համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին վերահսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Ընկերության՝ անընդհատ գործելու հնարավորությունը գնահատելու համար, համապատասխան դեպքերում անընդհատության հետ կապված հարցերը բացահայտելու և Ընկերության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Ընկերությունը, ընդհատել դրա գործունեությունը կամ, երբ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Ընկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով գերծ են էական խեղաթյուրումներից, անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ների համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Բացի այդ, մենք.


- Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին վերահսկողության համակարգի չարաշահում:
- Ձեռք ենք բերում աուդիտին վերաբերող ներքին վերահսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու և ոչ թե Ընկերության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կատարած հաշվապահական հաշվառման գնահատումների և կից բացահայտումների խելամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռքբերված աուդիտորական ապացույցների վրա, գնահատում ենք՝ արդյոք առկա է դեպքերի կամ հանգամանքների

հետ կապված էական անորոշություն, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռքբերված աուդիտորական ապացույցների վրա: Սակայն ապագա դեպքերը կամ իրավիճակները կարող են ստիպել Ընկերությանը դադարեցնել անընդհատության հիմունքի կիրառումը:

- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Այլ հարցերի հետ մեկտեղ մենք տեղեկացնում ենք կառավարման օղակներում ներգրավված անձանց աուդիտի առաջադրանքի պլանավորված շրջանակների և ժամկետների, ինչպես նաև աուդիտի ընթացքում հայտնաբերված նշանակալի հարցերի մասին, ներառյալ ներքին վերահսկողությանը վերաբերող նշանակալի թերությունները:

«Թրասթ Աուդիտ» ՓԲԸ
տնօրեն Հայկ Մարգարյան



Առաջադրանքի պատասխանատու
Սամվել Հովհաննիսյան, FCCA

06 մարտ 2026թ.
ք. Երևան

«Փրայմ Կապիտալ» ՍՊԸ

Շահույթի կամ վնասի և այլ համապարփակ ֆինանսական արդյունքների մասին հաշվետվություն
2025թ. դեկտեմբերի 31-ին ավարտվող տարվա համար

Հազար դրամ	Ծնթ.	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Եկամուտ կառավարման վճարներից	5	259,467	117,694
Զուտ եկամուտ առևտրային գործունեությունից	6	65,304	21,212
Տոկոսային եկամուտ		133	203
Զուտ վնաս արտարժույթի վերագնահատումից		(46)	(25)
Այլ եկամուտներ		35	66
Ընդհանուր գործառնական ծախսեր	7	(45,696)	(39,077)
Շահույթ մինչև հարկումը		279,197	100,073
Շահութահարկի գծով ծախս	8	(38,861)	(6,329)
Տարվա շահույթ		240,336	93,744
Այլ համապարփակ ֆինանսական արդյունք			
Այլ		-	-
Տարվա այլ համապարփակ ֆինանսական արդյունք հարկումից հետո		-	-
Ընդամենը տարվա համապարփակ ֆինանսական արդյունք		240,336	93,744

Ֆինանսական հաշվետվությունները հաստատվել են 2025թ. մարտի 6-ին:



Գործադիր Տնօրեն

Ասյա Խալաթյան

Հաշվապահական ծառայություններ
մատուցող ընկերության ներկայացուցիչ

Արթուր Հարությունյան

Շահույթի կամ վնասի և այլ համապարփակ ֆինանսական արդյունքների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 35-րդ էջերում ներկայացված կից ծանոթագրությունների հետ մեկտեղ

«Փրայմ Կապիտալ» ՍՊԸ

Ֆինանսական վիճակի մասին հաշվետվություն

2025թ. դեկտեմբերի 31-ի դրությամբ

Հազար դրամ	Ծնթ.	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
ԱԿՏԻՎՆԵՐ			
Դրամական միջոցներ և դրանց համարժեքներ	9	15,025	32,671
Կառավարման վճարների գծով դեբիտորական պարտքեր	10	79,842	13,283
Իրական արժեքով՝ շահույթի կամ վնասի միջոցով չափվող ֆինանսական ակտիվներ	11	276,939	106,487
Տրված փոխառություններ	12	-	30,000
Հիմնական միջոցներ և ոչ նյութական ակտիվներ	13	2,731	3,284
Հետաձգված հարկային ակտիվներ		1,135	808
Այլ ակտիվներ		1,644	1,691
ԸՆԴԱՄԵՆԸ ԱԿՏԻՎՆԵՐ		377,316	188,224
ՊԱՐՏԱՎՈՐՈՒԹՅՈՒՆՆԵՐ ԵՎ ՍԵՓԱԿԱՆ ԿԱՊԻՏԱԼ			
ՊԱՐՏԱՎՈՐՈՒԹՅՈՒՆՆԵՐ			
Ընթացիկ շահութահարկի գծով պարտավորություն		36,741	6,632
Ստացված փոխառություններ	14	68,000	-
Պահուստներ	15	6,446	4,653
Այլ պարտավորություններ		1,240	386
ԸՆԴԱՄԵՆԸ ՊԱՐՏԱՎՈՐՈՒԹՅՈՒՆՆԵՐ ՍԵՓԱԿԱՆ ԿԱՊԻՏԱԼ	16	112,427	11,671
Կանոնադրական կապիտալ		60,000	52,000
Էմիսիոն եկամուտ		20,400	20,400
Գլխավոր պահուստ		10,400	10,400
Զբաղիչված շահույթ		174,089	93,753
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ		264,889	176,553
ԸՆԴԱՄԵՆԸ ՊԱՐՏԱՎՈՐՈՒԹՅՈՒՆՆԵՐ ԵՎ ՍԵՓԱԿԱՆ ԿԱՊԻՏԱԼ		377,316	188,224

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 35-րդ էջերում ներկայացված կից ծանոթագրությունների հետ մեկտեղ

«Փրայմ Կապիտալ» ՍՊԸ

Մեփական կապիտալում փոփոխությունների մասին հաշվետվություն

2025թ. դեկտեմբերի 31-ին ավարտվող տարվա համար

Հազար դրամ	Կանոնադրական կապիտալ	Էմիսիոն եկամուտ	Գլխավոր պահուստ	Զբաղիված շահույթ	Ընդամենը
2024թ. հունվարի 1-ի դրությամբ	52,000	28,000	2,800	10,309	93,109
Տարվա շահույթ	-	-	-	93,744	93,744
Ընդամենը տարվա համապարփակ ֆինանսական արդյունք	-	-	-	93,744	93,744
Փոխանցում գլխավոր պահուստին	-	(7,600)	7,600	-	-
Շահաբաժիններ	-	-	-	(10,300)	(10,300)
2024թ. դեկտեմբերի 31-ի դրությամբ	52,000	20,400	10,400	93,753	176,553
Տարվա շահույթ	-	-	-	240,336	240,336
Ընդամենը տարվա համապարփակ ֆինանսական արդյունք	-	-	-	240,336	240,336
Կանոնադրական կապիտալի համալրում	8,000	-	-	-	8,000
Շահաբաժիններ	-	-	-	(160,000)	(160,000)
2025թ. դեկտեմբերի 31-ի դրությամբ	60,000	20,400	10,400	174,089	264,889

Մեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 35-րդ էջերում ներկայացված կից ծանոթագրությունների հետ մեկտեղ

«Փրայմ Կապիտալ» ՍՊԸ

Դրամական միջոցների հոսքերի մասին հաշվետվություն
2025թ. դեկտեմբերի 31-ին ավարտվող տարվա համար

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
<i>Գործառնական գործունեությունից դրամական միջոցների հոսքեր</i>		
Արժեթղթերի փաթեթի կառավարումից մուտքեր	10,435	16,786
Ֆոնդերի կառավարումից մուտքեր	182,473	106,791
Իրական արժեքով՝ շահույթի կամ վնասի միջոցով չափվող ֆինանսական ակտիվների ձեռքբերման վճարումներ	(105,146)	(14,414)
Վճարված աշխատավարձ և դրան հավասարեցված այլ վճարումներ	(24,751)	(20,388)
Վճարումներ պետական բյուջե	(585)	(182)
Վճարումներ շահութահարկի գծով	(9,080)	-
Գործառնական գործունեության գծով վճարված այլ ծախսեր	(16,901)	(18,534)
Տոկոսային մուտքեր	133	203
Տրված կանխավճարի ետ վերադարձ	-	1,141
Այլ գործառնական մուտքեր	35	66
Գործառնական գործունեությունից դրամական միջոցների զուտ հոսքեր	36,613	71,469
<i>Ներդրումային գործունեությունից դրամական միջոցների հոսքեր</i>		
Փոխառությունների տրամադրում	(35,000)	(30,000)
Փոխառությունների մարում	65,000	-
Հիմնական միջոցների և ոչ նյութական ակտիվների ձեռքբերման համար վճարումներ	(258)	(279)
Ներդրումային գործունեությունից դրամական միջոցների զուտ հոսքեր	29,742	(30,279)
<i>Ֆինանսավորման գործունեությունից դրամական միջոցների հոսքեր</i>		
Կանոնադրական կապիտալի համալրում	8,000	-
Ստացված փոխառություններ	68,000	-
Շահաբաժինների վճարում	(160,000)	(10,300)
Ֆինանսավորման գործունեությունից դրամական միջոցների զուտ հոսքեր	(84,000)	(10,300)
Դրամական միջոցների և դրանց համարժեքների զուտ հոսք	(17,645)	30,890
Ժամանակաշրջանի սկզբի դրությամբ դրամական միջոցներ և դրանց համարժեքներ	32,671	1,781
Ժամանակաշրջանի վերջի դրությամբ դրամական միջոցներ և դրանց համարժեքներ	15,025	32,671

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 35-րդ էջերում ներկայացված կից ծանոթագրությունների հետ մեկտեղ

«Փրայմ Կապիտալ» ՍՊԸ

Ֆինանսական հաշվետվություններին կից ծանոթագրություններ
2025թ. դեկտեմբերի 31-ին ավարտված տարվա համար

1. Գործառնությունների բնույթը և ընդհանուր տեղեկատվություն

«Փրայմ Կապիտալ» ՍՊ ընկերությունը (այսուհետ՝ Ընկերություն) հիմնադրվել է 2019թ. -ին: 2019թ. դեկտեմբերի 6-ին Ընկերությունը գրանցվել է ՀՀ Կենտրոնական բանկում (ՀՀ ԿԲ), որպես ներդրումային ֆոնդի կառավարիչ և ստացել է ներդրումային ֆոնդի կառավարման 0006 լիցենզիան: Ընկերության գործունեությունը կարգավորվում է ՀՀ կենտրոնական բանկի կողմից: Ընկերության կառավարման մարմիններն են մասնակիցների Ընդհանուր ժողովը, Տնօրենների խորհուրդը և Գործադիր տնօրենը: Ընկերության Ընդհանուր ժողովի իրավասություններն իրականացնում է Ընկերության միակ մասնակից՝ Ներսես Սարինյանը, ով իր իրավասությունների սահմաններում ունի Ընկերության կառավարման և գործունեության ցանկացած հարցի վերջնական լուծման իրավունք:

Ընկերության Տնօրենների խորհրդի կազմն է՝

- Սերգեյ Շևչենկո - Տնօրենների խորհրդի նախագահ
- Ներսես Սարինյան - Տնօրենների խորհրդի անդամ
- Աշոտ Խուրշուդյան - Տնօրենների խորհրդի անդամ

Ընկերության ընթացիկ գործունեության ղեկավարումն իրականացնում է Գործադիր տնօրենը՝ Ասյա Խալաթյանը: Ընկերության Գործադիր տնօրենի իրավասությանն են պատկանում ընթացիկ գործունեության ղեկավարման հարցերը, որոնք Կանոնդարությամբ և Օրենսդրությամբ վերապահված չեն ընդհանուր ժողովի իրավասությանը:

Ընկերությունը կառավարում է հետևյալ ներդրումային ֆոնդերը (Ֆոնդեր)՝

- «Փրայմ Ինվեսթ» ոչ հրապարակային, մասնագիտացված, միջակայքային, պայմանագրային ներդրումային ֆոնդ
- «Փրայմ Կապիտալ» ՍՊԸ-ի «Փրայմ Պրոֆ» որակավորված ներդրողների, ոչ հրապարակային, մասնագիտացված (լրացուցիչ ռիսկով), միջակայքային, պայմանագրային ներդրումային ֆոնդ

Ընկերության գրանցման հասցեն է՝ ՀՀ, 0015, ք. Երևան, Արգիշտի փողոց, 7 շենք, գրասենյակ 311:

Ընկերության աշխատակիցների թվաքանակը 2025թ. դեկտեմբերի 31-ի դրությամբ կազմել է 6 մարդ (2024թ.՝ 6 մարդ):

2. Հայաստանի գործարար միջավայրը

Հայաստանի Հանրապետությունում գործարար միջավայրը շարունակում է ձևավորվել արտաքին և տարածաշրջանային զարգացումների պայմաններում: Տարածաշրջանային անվտանգության իրավիճակը և աշխարհաքաղաքական գործոնները կարող են պահպանել որոշակի անորոշություն և ազդեցություն ունենալ տնտեսական ակտիվության, շուկաների կայունության և գործարար կապերի վրա: Մինչև ժամանակ, տարածաշրջանում իրականացվում են բանակցային գործընթացներ՝ ուղղված լարվածության նվազեցմանը և երկարաժամկետ կայունության ապահովմանը, սակայն դրանց արդյունքների և ժամկետների վերաբերյալ առկա է անորոշություն:

Ղեկավարությունը հետևում է զարգացումներին և գնահատում է, որ հաշվետու ամսաթվի դրությամբ հնարավոր չէ վստահելի կերպով քանակապես գնահատել վերոնշյալ հանգամանքների ամբողջական ազդեցությունը Ընկերության գործունեության, ֆինանսական վիճակի և դրամական հոսքերի վրա՝ պայմանավորված

իրադարձությունների շարունակականությամբ և գործոնների բազմազանությամբ: Տնտեսական և քաղաքական միջավայրի հետագա զարգացումները և դրանց ազդեցությունը Ընկերության վրա կարող են տարբերվել ղեկավարության ներկայիս սպասումներից: Տվյալ ֆինանսական հաշվետվությունները չեն ներառում վերոնշյալ հանգամանքներից բխող հնարավոր ապագա ազդեցությունների համար որևէ ճշգրտումներ՝ բացառությամբ այն դեպքերի, երբ դրանք պահանջվում են կիրառելի հաշվապահական ստանդարտներով:

3. Պատրաստման հիմունքներ

3.1 Համապատասխանության մասին հայտարարություն

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) պահանջների համաձայն, որոնք հրապարակվել են Հաշվապահական Հաշվառման Միջազգային Ստանդարտների Խորհրդի (ՀՀՄՄԽ) կողմից:

3.2 Չափման հիմունքներ

Ֆինանսական հաշվետվությունների պատրաստման համար Ընկերության կողմից ընդունված չափման հիմունք է հանդիսանում սկզբնական արժեքը, որը սովորաբար համակցվում է այլ չափման հիմունքների հետ: Այլ չափման հիմունքներ կիրառելիս Ընկերությունը ներկայացնում է բացահայտումներ համապատասխան ծանոթագրություններում:

3.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (ՀՀ դրամ), որն էլ հանդիսանում է Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

3.4 Անընդհատություն

Ֆինանսական հաշվետվությունները կազմվել են, ելնելով անընդհատության հիմունքից, որը ենթադրում է ակտիվների իրացում և պարտավորությունների մարում բնականոն գործունեության ընթացքում, և որ հաշվետու ամսաթվից հետո 12 ամսում գործունեությունը դադարեցնելու կամ էական կրճատելու մտադրություն կամ անհրաժեշտություն չկա:

3.5 Գնահատումների և դատողությունների օգտագործում

Ֆինանսական հաշվետվությունները ՖՀՄՍ ֆինանսական հաշվետվությունների ստանդարտների պահանջներին համապատասխան կազմելու համար ղեկավարությունից պահանջվում է կատարել դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամուտների և ծախսերի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումները և հիմքում ընկած ենթադրությունները պարբերաբար վերանայվում են: Հաշվապահական հաշվառման գնահատումների վերանայումները ճանաչվում են առաջընթաց:

Հաշվապահական հաշվառման քաղաքականության կիրառման ընթացքում կատարված այն կարևոր դատողությունների վերաբերյալ տեղեկատվությունը, որոնք նշանակալի ազդեցություն ունեն ֆինանսական

հաշվետվություններում ճանաչված գումարների վրա, ներկայացված է Ծանոթագրություն 17-ում՝ «Իրական արժեք և ռիսկերի կառավարում»:

Իրական արժեքի լավագույն վկայությունը տրամադրում է ակտիվ շուկայում գնանշվող գինը: Ակտիվ շուկայում գնանշվող գնի բացակայության դեպքում ղեկավարությունն օգտագործում է գնահատման այլ մեթոդներ, մասնավորապես՝ թե՛ ներքին և թե՛ արտաքին շուկաներում համանման գործիքների հետ համեմատության մեթոդը:

Իրական արժեքի չափում

Ակտիվի կամ պարտավորության իրական արժեքը չափելիս Ընկերությունը հնարավորության սահմաններում օգտագործում է դիտելի շուկայական տվյալները: Իրական արժեքները դասակարգվում են ըստ իրական արժեքի հիերարխիայի մակարդակների՝ հիմք ընդունելով գնահատման մեթոդներում օգտագործված ելակետային տվյալները, ինչպես ներկայացված է ստորև:

- 1-ին մակարդակ. նույնական ակտիվների կամ պարտավորությունների համար ակտիվ շուկաներում գնանշվող գները (չճշգրտվող):
- 2-րդ մակարդակ. 1-ին մակարդակում ներառվող գնանշվող գներից տարբեր ելակետային տվյալները, որոնք ակտիվի կամ պարտավորության համար դիտելի են կամ ուղղակիորեն (այսինքն՝ որպես գներ) կամ անուղղակիորեն (այսինքն՝ գներից ստացվող):
- 3-րդ մակարդակ. ակտիվի կամ պարտավորության ելակետային տվյալները, որոնք հիմնված չեն դիտելի շուկայական տվյալների վրա (ոչ դիտելի ելակետային տվյալներ):

Եթե ակտիվի կամ պարտավորության իրական արժեքը չափելու համար օգտագործված ելակետային տվյալները կարող են դասակարգվել իրական արժեքի հիերարխիայի տարբեր մակարդակներում, իրական արժեքի չափումն որպես մեկ ամբողջություն դասակարգվում է իրական արժեքի հիերարխիայի այն նույն մակարդակում, որտեղ դասակարգվում են ամենացածր մակարդակի տվյալները, որոնք նշանակալի են ամբողջ չափման համար:

3.6 Նոր և վերանայված ստանդարտների ընդունում

Ստանդարտներ, փոփոխություններ և մեկնաբանություններ առկա ստանդարտների վերաբերյալ, որոնք դեռևս չեն գործում և նախօրոք չեն ներդրվել Ընկերության կողմից:

ՖՀՄՍ 7 «Ֆինանսական գործիքներ. բացահայտումներ» - Բացահայտումներ

ՖՀՄՍ 7-ում կատարված խմբագրումը պահանջում է բացահայտել իրական արժեքով այլ համապարփակ ֆինանսական արդյունքով չափվող բաժնային գործիքների իրական արժեքով վերաչափումներից այլ համապարփակ եկամուտներ և ծախսերը՝ առանձնացնելով այն մասը որը վերաբերում է ընթացիկ ժամանակաշրջանում ապաճանաչված ակտիվներին:

Նաև պահանջվում է առանձին բացահայտել ամորտիզացված արժեքով չափվող ֆինանսական ակտիվների և պարտավորությունների, ինչպես նաև պարտադիր այլ համապարփակ ֆինանսական արդյունքով չափվող ֆինանսական ակտիվների գծով պայմանագրային այն պայմանները, որոնց պատճառով կարող են փոփոխվել պայմանագրային հոսքերի գումարները և ժամկետները, և որոնք հանդիսանում են պայմանական դեպքեր և ուղղակի կապված չեն բազային պարտքային համաձայնագրի ռիսկի և արժեքի փոփոխության հետ:

ՖՀՄՍ 7-ի այս փոփոխությունն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 9 «Ֆինանսական գործիքներ» - Բնությունից կախված էլեկտրաէներգիայի պայմանագրերի

Համաձայն կատարված խմբագրման ՀՀՄՍ 9-ի գործողության ոլորտում կարող են ներառվել բնական երևույթներից կախված և դրանց շնորհիվ արտադրված էլեկտրաէներգիայի (օրինակ հողմային էլեկտրակայանների կողմից արտադրված) ձեռքբերման կամ վաճառքի ածանցյալ պայմանագրերը, եթե ձեռքբերողը պարտավոր է հետ վաճառել էլեկտրաէներգիայի այն ծավալը, որը չի կարող օգտագործել:

Նաև թույլատրվում է էլեկտրակայանին նման պայմանագրերը դասակարգել որպես հեջավորման գործիք, եթե հեջավորված հոդվածը ածանցյալ պայմանագրին համահունչ պայմաններով սպասվող իրացումն է:

ՖՀՄՍ 9-ի այս փոփոխությունն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 9 «Ֆինանսական գործիքներ» - Առևտրային դեբիտորական պարտքերի չափումը

ՖՀՄՍ 9-ում կատարված խմբագրմամբ պարզաբանվում է որ առևտրային դեբիտորական պարտքերը ճանաչման պահին պետք է չափվեն այն արժեքով, որը որոշվել է կիրառելով ՖՀՄՍ 15 «Հասույթ գնորդների հետ պայմանագրերից» հաշվապահական ստանդարտը:

ՖՀՄՍ 9-ի այս փոփոխությունն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 9 «Ֆինանսական գործիքներ» - Վարձակալության գծով պարտավորությունների ապաճանաչում

ՖՀՄՍ 9-ում կատարված լրացմամբ հստակեցում է որ ֆինանսական պարտավորությունների ապաճանաչման պահին հաշվեկշռային արժեքի և վճարված հատուցման միջև տարբերությունը շահույթում կամ վնասում ճանաչելու պահանջը պետք է կիրառել նաև վարձակալության գծով պարտավորությունների նկատմամբ:

ՖՀՄՍ 9-ի այս փոփոխությունն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 9 «Ֆինանսական գործիքներ» - Էլեկտրոնային վճարային համակարգով մարված ֆինանսական պարտավորությունների ապաճանաչումը

Էլեկտրոնային վճարման համակարգի միջոցով ֆինանսական պարտավորությունների մարման դեպքում պարտավորությունը թույլատրվում է ապաճանաչել վճարման պահին, եթե վճարողը չի կարող չեղարկել, դադարեցնել կամ հետ կանչել վճարումը:

ՖՀՄՍ 9-ի այս փոփոխությունն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 18 «Ֆինանսական հաշվետվություններում ներկայացումը և բացահայտումը»

2024թ.-ին թողարկվել է ՖՀՄՍ 18 հաշվապահական ստանդարտը, որը վերաբերում է ֆինանսական հաշվետվությունների ներկայացմանը և փոխարինում է «Ֆինանսական հաշվետվությունների ներկայացումը» ՀՀՄՍ 1-ին:

Նշանակալի փոփոխության է ենթարկվել շահույթի կամ վնասի մասին հաշվետվությունում ներկայացման ենթակա տեղեկատվության բովանդակությունը, որտեղ պահանջվում է ներկայացնել եկամուտներն ու ծախսերը ըստ գործառնական, ներդրումային, ֆինանսավորման, շահութահարկ և ընդհատված գործառնություններ բաժինների:

ՖՀՄՍ 18-ը ուժի մեջ են մտնում 2027թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՍ 19 «Հանրային հաշվետվողականություն չունեցող դուստր ընկերություններ. բացահայտումներ»

2024թ.-ին թողարկվել է ՖՀՄՍ 19 հաշվապահական ստանդարտը, որը հնարավորություն է տալիս հանրային հաշվետվողականություն չունեցող կազմակերպությունների, որոնք նաև հանդիսանում են ՖՀՄՍ-ների համապատասխան հրապարակվող ֆինանսական հաշվետվություններ ներկայացնող կազմակերպության դուստր ընկերություն, ներկայացնել ավելի պակաս բացահայտումներ քան պահանջվում են այլ ՖՀՄՍ-ներով:

ՖՀՄՍ 19-ի կիրառումը պարտադիր չէ և նշված պայմաններին բավարարող կազմակերպությունը կարող է այն կիրառել մեկ հաշվետու ժամանակաշրջանում և հրաժարվել դրա կիրառումից մեկ այլ ժամանակաշրջանում:

ՖՀՄՍ 19-ը ուժի մեջ են մտնում 2027թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՀՀՄՍ21 «Արտարժույթի փոխարժեքի փոփոխությունների հետևանքները» - Վերահաշվարկումը գերադաճային տնտեսության արժույթով

Եթե ֆինանսական հաշվետվությունների ներկայացման արժույթը գերադաճային տնտեսության արժույթ է, իսկ ֆունկցիոնալ արժույթը ոչ, ապա ֆինանսական հաշվետվությունները՝ և արդյունքները և ֆինանսական վիճակը, պետք է վերահաշվարկվեն վերջին հաշվետու ժամանակաշրջանի փակման փոխարժեքով:

ՀՀՄՍ 21-ի այս փոփոխությունը ուժի մեջ են մտնում 2027թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

4. Հաշվապահական հաշվառման քաղաքականության վերաբերյալ էական տեղեկատվություն

Ստորև ներկայացված հաշվապահական հաշվառման քաղաքականությունը հետևողականորեն կիրառվել է այս ֆինանսական հաշվետվություններում ներկայացված բոլոր ժամանակաշրջանների համար:

4.1 Ֆինանսական եկամուտ

Ընկերության ֆինանսական եկամուտը ներառում է.

- տոկոսային եկամուտը,
- արտարժույթի վերագնահատումից օգուտը կամ կորուստը ֆինանսական ակտիվների և ֆինանսական պարտավորությունների գծով:

Տոկոսային եկամուտը ճանաչվում է՝ կիրառելով արդյունավետ տոկոսադրույքի մեթոդը: Արդյունավետ տոկոսադրույքն այն դրույքն է, որը ֆինանսական գործիքի ակնկալվող ժամկետի համար գնահատված ապագա դրամական վճարումները կամ մուտքերը գեղջում է ճիշտ մինչև՝

- ֆինանսական ակտիվի համախառն հաշվեկշռային արժեք կամ
- ֆինանսական պարտավորության ամորտիզացված արժեք:

Տոկոսային եկամուտը հաշվարկելիս արդյունավետ տոկոսադրույքը կիրառվում է ակտիվի համախառն հաշվեկշռային արժեքի (եթե ակտիվը պարտքային առումով արժեզրկված չէ) կամ պարտավորության ամորտիզացված արժեքի նկատմամբ: Այնուամենայնիվ, այն ֆինանսական ակտիվների համար, որոնք պարտքային առումով արժեզրկված են դարձել սկզբնական ճանաչումից հետո, տոկոսային եկամուտը հաշվարկվում է կիրառելով արդյունավետ տոկոսադրույքը ֆինանսական ակտիվի ամորտիզացված արժեքի նկատմամբ: Եթե ակտիվն այլևս չի համարվում պարտքային առումով արժեզրկված, տոկոսային եկամուտը կրկին սկսվում է հաշվարկվել համախառն հիմունքով:

Փոխարժեքային տարբերություններից առաջացող օգուտը և վնասը ներկայացվում են զուտ հիմունքով որպես ֆինանսական եկամուտ կամ ֆինանսական ծախս՝ կախված այն հանգամանքից, թե որ դիրքում է կատարվում արտարժույթի փոփոխությունը՝ զուտ շահույթի, թե՛ զուտ վնասի:

4.2 Եկամուտ կառավարման վճարներից

Ֆոնդերի կառավարումից կառավարման վճարը հաշվարկվում է ամսական և եռամսյակային կտրվածքով՝ ֆոնդերի զուտ ակտիվների արժեքի նկատմամբ սահմանված տարեկան դրույքաչափով, դրույքաչափերը սահմանվում են համապատասխան ֆոնդերի կանոններով:

Արժեթղթերի փաթեթի կառավարումից կառավարման վճարը հաշվարկվում է եռամսյակային կտրվածքով՝ հավատարմագրային կառավարման հանձնված գույքի զուտ ակտիվների արժեքի նկատմամբ սահմանված տարեկան դրույքաչափով, դրույքաչափերը սահմանվում են համապատասխան պայմանագրերով:

Ընկերության կառավարման ներքո գտնվող ակտիվները չեն հանդիսանում Ընկերության ակտիվները և հետևաբար չեն ճանաչվում ֆինանսական վիճակի մասին հաշվետվությունում: Ընկերությունը չի ենթարկվում որևէ պարտքային ռիսկի նման տեղաբաշխման հետ կապված, քանի որ այն չի երաշխավորում այդ ներդրումները:

4.3 Զուտ եկամուտ առևտրային գործունեությունից

Ընկերությունը ներդրումներ է կատարում իր կառավարման ներքո գտնվող ֆոնդերի փայերում: Փայերը ճանաչվում են ակտիվ շուկայում գնանշված գներով կամ ձեռք բերված մեկ փային բաժին ընկնող զուտ ակտիվների արժեքով և հետագայում չափվում են իրական արժեքով՝ շահույթի կամ վնասի միջոցով: Շահույթի կամ վնասի և այլ համապարփակ ֆինանսական արդյունքի մասին հաշվետվությունում զուտ եկամուտ առևտրային գործունեությունից ներառում է իրական արժեքի բոլոր իրացված և չիրացված փոփոխությունները, արտարժույթի փոխարժեքային տարբերությունները, սակայն չի ներառում տոկոսների և շահաբաժինների տեսքով եկամուտը:

4.4 Աշխատակիցների կարճաժամկետ հատուցումներ

Աշխատակիցների կարճաժամկետ հատուցումների գծով պարտականությունները չափվում են առանց գեղչման և ծախսագրվում են համապատասխան ծառայությունը մատուցելիս: Պարտավորությունը ճանաչվում է այն գումարի չափով, որն ակնկալվում է վճարել որպես կարճաժամկետ դրամական միջոցների տեսքով պարգևավճար, եթե Ընկերությունն ունի ներկա իրավական կամ կառուցողական պարտականություն այդ գումարը վճարել որպես աշխատակցի անցյալ ծառայության արդյունք և կարող է արժանահավատորեն գնահատել պարտականությունը:

4.5 Շահութահարկ

Շահութահարկը բաղկացած է ընթացիկ և հետաձգված հարկերից: Շահութահարկը ճանաչվում է շահույթում կամ վնասում, բացառությամբ այն մասի, որը վերաբերում է ուղղակիորեն սեփական կապիտալում կամ այլ համապարփակ ֆինանսական արդյունքում ճանաչված հողվածներին:

Ընթացիկ հարկ

Ընթացիկ հարկը հարկի այն գումարն է, որն ակնկալվում է վճարել կամ ստանալ տարվա հարկվող եկամտի կամ վնասի գծով՝ կիրառելով հարկի այն դրույքները, որոնք ուժի մեջ են եղել կամ ըստ երկրի ուժի մեջ են եղել հաշվետու ամսաթվի դրությամբ, և ներառում է նախորդ տարիների համար վճարման ենթակա հարկի գծով ճշգրտումները:

Հետաձգված հարկ

Հետաձգված հարկը ճանաչվում է ֆինանսական հաշվետվություններում արտացոլվելու նպատակով որոշվող ակտիվների և պարտավորությունների հաշվեկշռային արժեքների և հարկային նպատակների համար օգտագործվող գումարների միջև ժամանակավոր տարբերությունների գծով: Հետաձգված հարկ չի ճանաչվում այն ժամանակավոր տարբերությունների գծով, որոնք առաջանում են ակտիվների կամ պարտավորությունների սկզբնական ճանաչման ժամանակ բիզնեսի միավորում չհանդիսացող գործարքի արդյունքում, որն ազդեցություն չունի ո՛չ հաշվապահական և ո՛չ հարկվող շահույթի կամ վնասի վրա:

Հետաձգված հարկային ակտիվներ ճանաչվում են չօգտագործված հարկային վնասների, չօգտագործված հարկային զեղչերի և նվազեցվող ժամանակավոր տարբերությունների գծով այն չափով, որով հավանական է, որ Ընկերությունն ապագայում կունենա հարկվող շահույթ, որի դիմաց դրանք կարող են օգտագործվել: Հետաձգված հարկային ակտիվները վերանայվում են յուրաքանչյուր հաշվետու ամսաթվի դրությամբ և նվազեցվում են այն չափով, որով այլևս հավանական չէ, որ համապատասխան հարկային օգուտը կիրացվի: Այդ նվազեցումները վերականգնվում են, եթե մեծանում է ապագա հարկվող շահույթ ստանալու հավանականությունը:

Հետաձգված հարկը չափվում է օգտագործելով հարկի այն դրույքները, որոնք ակնկալվում է, որ կկիրառվեն ժամանակավոր տարբերությունների նկատմամբ վերջիններս հակադարձելիս՝ հիմք ընդունելով այն օրենքները, որոնք ուժի մեջ են եղել կամ ըստ էության ուժի մեջ են եղել հաշվետու ամսաթվի դրությամբ:

Հետաձգված հարկային ակտիվները և պարտավորությունները հաշվանցվում են, եթե Ընկերությունը տվյալ պահին ունի ընթացիկ հարկային ակտիվները և պարտավորությունները հաշվանցելու իրավաբանորեն ամրագրված իրավունք և դրանք վերաբերում են շահութահարկին, որը գանձվում է նույն հարկային մարմնի կողմից նույն հարկատուից կամ տարբեր հարկատուներից, որոնք մտադիր են կա՛մ մարել ընթացիկ հարկային պարտավորությունները և ակտիվներ գուտ հիմունքով, կա՛մ իրացնել հարկային ակտիվները և մարել հարկային պարտավորությունները միաժամանակ:

4.6 Դրամական միջոցեր և դրանց համարժեքներ

Ֆինանսական վիճակի մասին հաշվետվությունում ներկայացված դրամական միջոցները և դրանց համարժեքները իրենցից ներկայացնում են բանկերում պահվող դրամական միջոցները՝ երեք ամիս կամ պակաս ժամկետայնությամբ:

4.7 Ֆինանսական գործիքներ

Ճանաչում և սկզբնական չափում

Կառավարման վճարների գծով դեբիտորական պարտքերը սկզբնապես ճանաչվում են սկզբնավորման ժամանակ: Մյուս բոլոր ֆինանսական ակտիվները և ֆինանսական պարտավորությունները սկզբնապես ճանաչվում են, երբ Ընկերությունը դառնում է գործիքի պայմանագրային կողմ:

Ֆինանսական ակտիվը (եթե այն առևտրական դեբիտորական պարտք չէ, որը չի պարունակում ֆինանսավորման նշանակալի բաղադրիչ) կամ ֆինանսական պարտավորությունը սկզբնապես չափվում է իրական արժեքով՝ գումարած, իրական արժեքով՝ շահույթի կամ վնասի միջոցով չչափվող հողվածի դեպքում, գործարքի գծով այն ծախսումները, որոնք ուղղակիորեն վերագրելի է ֆինանսական ակտիվի կամ ֆինանսական պարտավորության ձեռքբերմանը կամ թողարկմանը:

Դասակարգում և հետագա չափում

Ընկերությունն իր բոլոր ֆինանսական ակտիվները դասակարգում է ելնելով ակտիվների կառավարման բիզնես մոդելից և ակտիվի պայմանագրային պայմաններից՝ դրանք չափելով:

- ամորտիզացված արժեքով,
- իրական արժեքով՝ այլ համապարփակ ֆինանսական արդյունքի միջոցով,
- իրական արժեքով՝ շահույթի կամ վնասի միջոցով:

Ֆինանսական ակտիվները չեն վերադասակարգվում սկզբնական ճանաչումից հետո, բացառությամբ այն դեպքերի, երբ Ընկերությունը փոխում է ակտիվների կառավարման իր բիզնես մոդելը, որի դեպքում փոփոխության ազդեցությունը կրող բոլոր ֆինանսական ակտիվները վերադասակարգվում են բիզնես մոդելի փոփոխությանը հաջորդող առաջին հաշվետու ժամանակաշրջանի առաջին օրը:

Ֆինանսական ակտիվը չափվում է ամորտիզացված արժեքով, եթե բավարարում է ստորև ներկայացված երկու պայմանները և նախորոշված չէ որպես իրական արժեքով՝ շահույթի կամ վնասի միջոցով չափվող:

- ակտիվը պահվում է այնպիսի բիզնես մոդելի ներքո, որի նպատակն է պահել ակտիվները պայմանագրային դրամական հոսքերը հավաքելու համար և
- ֆինանսական ակտիվի պայմանագրային պայմանները որոշակի ամսաթվերին առաջացում են դրամական հոսքեր, որոնք միայն մայր գումարի և չնարված մայր գումարի գծով տոկոսների վճարումներ են:

Բոլոր ֆինանսական ակտիվները, որոնք դասակարգված չեն որպես ամորտիզացված արժեքով չափվող կամ այլ համապարփակ ֆինանսական արդյունքի միջոցով իրական արժեքով չափվող, չափվում են իրական արժեքով՝ շահույթի կամ վնասի միջոցով: Սկզբնական ճանաչման պահին Ընկերությունը կարող է անշրջելիորեն նախորոշել ֆինանսական ակտիվը, որն այլապես բավարարում է ամորտիզացված արժեքով կամ այլ համապարփակ ֆինանսական արդյունքի միջոցով չափվելու պահանջները, որպես իրական արժեքով՝ շահույթի կամ վնասի միջոցով չափվող, եթե դա թույլ կտա վերացնել կամ էականորեն նվազեցնել հաշվառման անհամապատասխանությունը, որը հակառակ դեպքում կառաջանա:

Ֆինանսական ակտիվներ. Բիզնես մոդելի գնահատում

Ընկերությունը պորտֆելի մակարդակով գնահատում է այն բիզնես մոդելի նպատակը, որի ներքո պահվում է ակտիվը, քանի որ այս գնահատումը լավագույնս արտացոլում է գործունեությունը կառավարելու և ղեկավարությանը տեղեկատվություն տրամադրելու եղանակը: Այդ դեպքում դիտարկվում է հետևյալ տեղեկատվությունը.

- պորտֆելի համար սահմանված քաղաքականությունը և նպատակները և այդ քաղաքականության աշխատանքը գործնականում: Մասնավորապես, արդյոք ղեկավարության ռազմավարության նպատակն է ստանալ պայմանագրով նախատեսված տոկոսային եկամուտը, ապահովել տոկոսադրույքների որոշակի կառուցվածքը, ֆինանսական ակտիվների ժամկետները համապատասխանեցնել համապատասխան ֆինանսական պարտավորությունների ժամկետներին կամ դրամական միջոցների ակնկալվող արտահոսքին կամ իրացնել դրամական հոսքերն ակտիվների վաճառքի միջոցով:
- բիզնես մոդելի (և այդ բիզնես մոդելում պահվող ֆինանսական ակտիվների) վրա ազդող ռիսկերը և այդ ռիսկերի կառավարման եղանակը:
- նախորդ ժամանակաշրջաններում ֆինանսական ակտիվների վաճառքների հաճախականությունը, ծավալը և ժամկետները, այդ վաճառքների պատճառները և ապագա վաճառքների հետ կապված ակնկալիքները:

Ֆինանսական ակտիվների փոխանցումը երրորդ կողմերին այնպիսի գործարքներում, որոնք չեն բավարարում ապաճանաչման պայմանները, չի դիտարկվում որպես վաճառք այս նպատակի համար, և Ընկերությունը շարունակում է ճանաչել ակտիվները:

Ֆինանսական ակտիվներ. Գնահատում, թե արդյոք պայմանագրային դրամական հոսքերը հանդիսանում են միայն մայր գումարի և տոկոսների վճարումներ

Այս գնահատման նպատակների համար «մայր գումարը» սահմանվում է որպես ֆինանսական ակտիվի իրական արժեք սկզբնական ճանաչման պահին: «Տոկոսը» բաղկացած է փողի ժամանակային արժեքի և որոշակի

ժամանակահատվածում չմարված մայր գումարի հետ կապված պարտքային ռիսկի և փոխատվության հետ առնչվող այլ հիմնական ռիսկերի և ծախսերի (օրինակ՝ իրացվելիության ռիսկի և վարչական ծախսերի) համար փոխհատուցումից, ինչպես նաև շահույթի մարժայից:

Այս գնահատման նպատակների համար «մայր գումարը» սահմանվում է որպես ֆինանսական ակտիվի իրական արժեք սկզբնական ճանաչման պահին: «Տոկոսը» բաղկացած է փողի ժամանակային արժեքի և որոշակի ժամանակահատվածում չմարված մայր գումարի հետ կապված պարտքային ռիսկի և փոխատվության հետ առնչվող այլ հիմնական ռիսկերի և ծախսերի (օրինակ՝ իրացվելիության ռիսկի և վարչական ծախսերի) համար փոխհատուցումից, ինչպես նաև շահույթի մարժայից:

Այդ գնահատումն իրականացնելիս Ընկերությունը դիտարկում է հետևյալը.

- պայմանական դեպքերը, որոնք կարող են փոխել դրամական հոսքերի գումարը կամ ժամկետները,
- պայմանները, որոնք կարող են ճշգրտել պայմանագրային արժեկտրոնային տոկոսադրույքը, այդ թվում՝ փոփոխական տոկոսադրույքի պայմանները,
- վաղաժամ մարման և ժամկետի երկարաձգման պայմանները,
- պայմանները, որոնք սահմանափակում են Ընկերության պահանջը որոշակի ակտիվներից առաջացող դրամական հոսքերով (օրինակ՝ առանց ռեզրեսի իրավունքի ֆինանսական ակտիվ):

Վաղաժամ մարման պայմանը համապատասխանում է միայն մայր գումարի և տոկոսների վճարում հանդիսանալու չափանիշին, եթե վաղավճարման գումարն ըստ էության իրենից ներկայացնում է մայր գումարի և չմարված մայր գումարի գծով տոկոսների չվճարված գումարները, որոնք կարող են ներառել պայմանագրի վաղաժամ դադարեցման համար ողջամիտ փոխհատուցում:

Ֆինանսական ակտիվներ. Հետագա չափում, օգուտներ և կորուստներ

Ամորտիզացված արժեքով չափվող ֆինանսական ակտիվները հետագայում չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Ամորտիզացված արժեքը նվազեցվում է արժեզրկումից կորուստների չափով: Տոկոսային եկամուտը, փոխարժեքային տարբերություններից առաջացող օգուտը և կորուստը և արժեզրկումը ճանաչվում են շահույթում կամ վնասում: Ապաճանաչումից առաջացող օգուտը կամ կորուստը ճանաչվում է շահույթում կամ վնասում:

Ֆինանսական պարտավորություններ. Դասակարգում, հետագա չափում, օգուտներ և կորուստներ

Ֆինանսական պարտավորությունները դասակարգվում են որպես ամորտիզացված արժեքով չափվող և հետագայում չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Տոկոսային ծախսը և փոխարժեքային տարբերություններից առաջացող օգուտը և կորուստը ճանաչվում են շահույթում կամ վնասում: Ապաճանաչումից առաջացող ցանկացած օգուտը կամ կորուստը նույնպես ճանաչվում է շահույթում կամ վնասում:

Ֆինանսական ակտիվների և ֆինանսական պարտավորությունների վերափոխում

Ֆինանսական ակտիվներ

Եթե ֆինանսական ակտիվի պայմանները վերափոխվում են, Ընկերությունը գնահատում է, թե արդյոք վերափոխված ակտիվի դրամական հոսքերը նշանակալիորեն տարբերվում են: Եթե դրամական հոսքերը նշանակալիորեն տարբերվում են («նշանակալի վերափոխում»), սկզբնական ֆինանսական ակտիվից առաջացող դրամական հոսքերի նկատմամբ պայմանագրային իրավունքները համարվում են ուժը կորցրած: Այդ դեպքում սկզբնական ֆինանսական ակտիվն ապաճանաչվում է և ճանաչվում է նոր ֆինանսական ակտիվ՝ իրական արժեքով:

Ընկերությունն իրականացնում է վերափոխման նշանակալի լինելու քանակական և որակական գնահատում, այսինքն, գնահատում է, թե արդյոք սկզբնական ֆինանսական ակտիվի դրամական հոսքերը նշանակալիորեն տարբերվում են վերափոխված կամ փոխարինված ֆինանսական ակտիվի դրամական հոսքերից:

Ընկերությունը գնահատում է վերափոխման նշանակալի լինելը դիտարկելով քանակական և որակական գործոնները հետևյալ հերթականությամբ՝ որակական գործոններ, քանակական գործոններ, որակական և քանակական գործոնների համատեղ ազդեցություն: Եթե դրամական հոսքերը նշանակալիորեն տարբերվում են, ապա սկզբնական ֆինանսական ակտիվից առաջացող դրամական հոսքերի նկատմամբ պայմանագրային իրավունքները համարվում են ուժը կորցրած: Այս գնահատումն իրականացնելիս Ընկերությունը կիրառում է ֆինանսական պարտավորությունների ապաճանաչման համար օգտագործվող ուղեցույցին համանման ուղեցույց:

Ընկերությունը եզրահանգում է, որ վերափոխումը նշանակալի է հիմք ընդունելով հետևյալ որակական գործոնները.

- ֆինանսական ակտիվի արժույթի փոփոխությունը,
- գրավի կամ պարտքի որակի բարելավման այլ միջոցների փոփոխությունը,
- ֆինանսական ակտիվի պայմանների այնպիսի փոփոխությունը, որը հանգեցնում է միայն մայր գումարի և տոկոսների վճարումներ հանդիսանալու չափանիշի հետ անհամապատասխանության (օրինակ՝ փոխարկման պայմանի ներառումը):

Եթե ամորտիզացված արժեքով հաշվառվող վերափոխված ֆինանսական ակտիվից առաջացող դրամական հոսքերը նշանակալիորեն տարբերվող չեն, վերափոխումը չի հանգեցնում ֆինանսական ակտիվի ապաճանաչմանը: Այդ դեպքում, Ընկերությունը վերահաշվարկում է ֆինանսական ակտիվի համախառն հաշվեկշռային արժեքը և համախառն հաշվեկշռային արժեքի ճշգրտումից առաջացող գումարը ճանաչում է որպես վերափոխումից օգուտ կամ կորուստ՝ շահույթում կամ վնասում: Ֆինանսական ակտիվի համախառն հաշվեկշռային արժեքը վերահաշվարկվում է որպես վերաբանակցված կամ վերափոխված պայմանագրային դրամական հոսքերի ներկա արժեք, որոնք գեղջվում են ֆինանսական ակտիվի սկզբնական արդյունավետ տոկոսադրույքով: Ցանկացած կրած ծախսում կամ վճար ճշգրտում է վերափոխված ֆինանսական ակտիվի հաշվեկշռային արժեքը և ամորտիզացվում է վերափոխված ֆինանսական ակտիվի մնացած ժամկետի ընթացքում:

Ֆինանսական պարտավորություններ

Ընկերությունն ապաճանաչում է ֆինանսական պարտավորությունը, երբ վերափոխվում են վերջինիս պայմանները և երբ վերափոխված պարտավորության դրամական հոսքերը նշանակալիորեն տարբերվող են: Այս դեպքում վերափոխված պայմանների հիման վրա ճանաչվում է նոր ֆինանսական պարտավորություն՝ իրական արժեքով: Մարված ֆինանսական պարտավորության հաշվեկշռային արժեքի և վերափոխված պայմաններով նոր ֆինանսական պարտավորության արժեքի տարբերությունը ճանաչվում է շահույթում կամ վնասում:

Եթե վերափոխումը (կամ փոխանակումը) չի հանգեցնում ֆինանսական պարտավորության ապաճանաչմանը, Ընկերությունը կիրառում է այն հաշվապահական հաշվառման քաղաքականությունը, համաձայն որի ֆինանսական ակտիվի համախառն հաշվեկշռային արժեքը ճշգրտվում է, երբ վերափոխումը չի հանգեցնում ֆինանսական ակտիվի ապաճանաչման, այսինքն, Ընկերությունը ճանաչում է վերափոխման (կամ փոխանակման) արդյունքում առաջացող ֆինանսական պարտավորության ամորտիզացված արժեքի ճշգրտումը շահույթում կամ վնասում վերափոխման (կամ փոխանակման) ամսաթվի դրությամբ:

Գոյություն ունեցող ֆինանսական պարտավորությունների դրամական հոսքերի փոփոխությունները չեն դիտարկվում որպես վերափոխում, եթե բխում են գոյություն ունեցող պայմանագրային պայմաններից, օրինակ՝ հաստատուն տոկոսադրույքների փոփոխությունները բանկերի կողմից՝ ՀՀ ԿԲ-ի հիմնական տոկոսադրույքի փոփոխությունների արդյունքում, եթե վարկային պայմանագրով բանկերն իրավունք ունեն կատարել նման փոփոխություն և Ընկերությունը հնարավորություն ունի կամ համաձայնվել վերանայված տոկոսադրույքի հետ, կամ մարել վարկն անվանական արժեքով՝ առանց տուգանքի: Տոկոսադրույքի վերափոխումը մինչև ընթացիկ շուկայական տոկոսադրույքը Ընկերությունը հաշվառում է կիրառելով լողացող տոկոսադրույքով ֆինանսական

գործիքների համար գործող ուղեցույցը: Դա նշանակում է, որ արդյունավետ տոկոսադրույքը ճշգրտվում է առաջընթաց:

Ընկերությունն իրականացնում է վերափոխման նշանակալի լինելու քանակական և որակական գնահատում՝ դիտարկելով որակական գործոնները, քանակական գործոնները և որակական և քանակական գործոնների համատեղ ազդեցությունը: Ընկերությունը եզրահանգում է, որ վերափոխումը նշանակալի է հետևյալ որակական գործոնների հիման վրա.

- ֆինանսական պարտավորության արժույթի փոփոխություն,
- գրավի կամ պարտքի որակի բարելավման այլ միջոցների փոփոխություն,
- փոխարկման հնարավորության ներառում,
- ֆինանսական պարտավորության ստորադասության փոփոխություն:

Քանակական գնահատման համար պայմանները նշանակալիորեն տարբերվող են, եթե նոր պայմաններով դրամական հոսքերի զեղչված ներկա արժեքը, ներառյալ վճարված վճարները զուտ ստացված վճարներով և զեղչված սկզբնական արդյունավետ տոկոսադրույքով, նվազագույնը 10 տոկոսով տարբերվում է սկզբնական ֆինանսական պարտավորության մնացած դրամական հոսքերի զեղչված ներկա արժեքից: Եթե պարտքային գործիքների փոխանակումը կամ պայմանների վերափոխումը հաշվառվում է որպես մարում, ցանկացած կրած ծախսում կամ վճար ճանաչվում է որպես մարումից օգուտի կամ կորուստի մաս: Եթե փոխանակումը կամ վերափոխումը չի հաշվառվում որպես մարում, ցանկացած կրած ծախսում կամ վճար ճշգրտում է պարտավորության հաշվեկշռային արժեքը և ամորտիզացվում է վերափոխված պարտավորության մնացած ժամկետի ընթացքում:

Ապաճանաչում

Ֆինանսական ակտիվներ

Ընկերությունն ապաճանաչում է ֆինանսական ակտիվն այն դեպքում, երբ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցնում են իրենց ուժը, կամ երբ փոխանցում է դրամական հոսքեր ստանալու իրավունքներն այնպիսի գործարքում, որում փոխանցվում են ֆինանսական ակտիվի սեփականության հետ կապված, ըստ էության, բոլոր ռիսկերն ու հատույցները, կամ որում Ընկերությունը ոչ փոխանցում, ոչ էլ պահպանում է սեփականության հետ կապված, ըստ էության, բոլոր ռիսկերն ու հատույցները և չի պահպանում ֆինանսական ակտիվի նկատմամբ հսկողությունը:

Ընկերությունն իրականացնում է գործարքներ, որոնց շրջանակում փոխանցում է ֆինանսական վիճակի մասին հաշվետվությունում ճանաչված ակտիվները, սակայն պահպանում է փոխանցված ակտիվների սեփականության հետ կապված կամ բոլոր, կամ, ըստ էության, բոլոր ռիսկերն ու հատույցները: Նման դեպքերում փոխանցված ակտիվները չեն ապաճանաչվում:

Ֆինանսական պարտավորություններ

Ընկերությունն ապաճանաչում է ֆինանսական պարտավորությունն այն դեպքում, երբ իր պայմանագրային պարտականությունները կատարվում են, կամ չեղյալ են համարվում, կամ ուժը կորցնում են: Ընկերությունը նաև ապաճանաչում է ֆինանսական պարտավորությունը, երբ փոփոխվում են վերջինիս պայմանները և երբ փոփոխված պարտավորությունից առաջացող դրամական հոսքերը նշանակալիորեն տարբեր են, որի դեպքում փոփոխված պայմանների հիման վրա ճանաչվում է նոր ֆինանսական պարտավորություն՝ իրական արժեքով:

Ֆինանսական պարտավորության ապաճանաչման ժամանակ մարված ֆինանսական պարտավորության հաշվեկշռային արժեքի և վճարված հատուցման (ներառյալ՝ փոխանցված ցանկացած ոչ դրամային ակտիվները կամ ստանձնած պարտավորությունները) միջև տարբերությունը ճանաչվում է շահույթում կամ վնասում:

Հաշվանցում

Ֆինանսական ակտիվները և պարտավորությունները հաշվանցվում են և ֆինանսական վիճակի մասին հաշվետվությունում ներկայացվում է զուտ գումարն միայն այն դեպքում, երբ Ընկերությունը տվյալ պահին ունի գումարները հաշվանցելու իրագործելի իրավաբանորեն ամրագրված իրավունք և մտադիր է կամ մարել ֆինանսական ակտիվները և պարտավորությունները զուտ հիմունքով, կամ իրացնել ակտիվը և մարել պարտավորությունը միաժամանակ:

4.8 Արժեզրկում

Ընկերությունը ճանաչում է կորստի պահուստ ակնկալվող պարտքային կորուստների (ԱՊԿ) գծով իրական արժեքով՝ շահույթի կամ վնասի միջոցով չչափվող հետևյալ ֆինանսական գործիքների համար

- Դրամական միջոցներ և դրանց համարժեքներ,
- Կառավարման վճարների գծով դեբիտորական պարտքեր

Կորստի պահուստը չափվում է՝

- 12-ամսյա ակնկալվող պարտքային կորուստներին հավասար գումարով՝ ամբողջ ժամկետում ակնկալվող պարտքային կորուստների մասը, որն առաջանում են ֆինանսական գործիքի գծով հաշվետու ամսաթվից հետո 12 ամսում հնարավոր պարտազանցման դեպքերից (1-ին փուլ), կամ
- ամբողջ ժամկետում ակնկալվող պարտքային կորուստներին հավասար գումարով՝ ակնկալվող պարտքային կորուստներ, որոնք առաջանում են բոլոր հնարավոր պարտազանցման դեպքերից ֆինանսական գործիքի ժամկետի ընթացքում (2-րդ փուլ և 3-րդ փուլ):

Ֆինանսական գործիքի համար կորստի պահուստը չափվում ամբողջ ժամկետի ընթացքում ակնկալվող պարտքային կորուստներին հավասար գումարով, եթե այդ ֆինանսական գործիքի համար պարտքային ռիսկը նշանակալիորեն աճել է սկզբնական ճանաչումից ի վեր: Մյուս բոլոր գործիքների համար որոնց համար կորստի պահուստը չափվում է 12-ամսյա ակնկալվող պարտքային կորուստներին հավասար գումարով:

Ակնկալվող պարտքային կորուստները ֆինանսական գործիքի ակնկալվող ժամկետի ընթացքում պարտքային կորուստների հավանականությամբ կշռված գնահատականն են: Դրանք չափվում են որպես պայմանագրին համապատասխան Ընկերությանը հասանելիք դրամական հոսքերի և Ընկերության կողմից տարբեր ապագա տնտեսական սցենարների կշռումից ակնկալվող ստացվելիք դրամական հոսքերի միջև տարբերության ներկա արժեք՝ զեղչված ակտիվի արդյունավետ տոկոսադրույքով:

4.9 Հիմնական միջոցներ

Սկզբնական արժեքով հաշվառվող հիմնական միջոցներ

Ընկերության հիմնական միջոցները հաշվառվում են սկզբնական արժեքով հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը և պարտադիր այլ վճարներ, որոնք ենթակա չեն վերադարձման և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից մուտքերի ու ակտիվի հաշվեկշռային արժեքի տարբերությամբ և ճանաչվում է համապարփակ ֆինանսական արդյունքների մասին հաշվետվությունում:

Հիմնական միջոցի առանձին հաշվառվող միավորի բաղկացուցիչ փոխարինման ծախսումները, որոնք հաշվառվում են որպես առանձին ակտիվ, կապիտալացվում են դուրս գրված բաղկացուցիչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են

հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են համապարփակ ֆինանսական արդյունքների մասին հաշվետվությունում՝ կատարվելու ժամանակաշրջանում:

Մաշվածությունը ճանաչվում է համապարփակ ֆինանսական արդյունքների մասին հաշվետվությունում՝ կիրառելով գծային մեթոդը հիմնական միջոցի գնահատված օգտակար ծառայության ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար:

Հիմնական միջոցների մնացորդային արժեքները, օգտակար ծառայության ժամկետները և մաշվածության մեթոդները վերանայվում են յուրաքանչյուր ֆինանսական տարվա վերջի դրությամբ և, անհրաժեշտության դեպքում ճշգրտվում առաջընթաց:

Հիմնական միջոցների գնահատված օգտակար ծառայության ժամկետները ներկայացված են ստորև.

Գրասենյակային սարքավորում և այլ հիմնական միջոցներ	1-8 տարի
Համակարգչային և այլ տեխնիկա	1-3 տարի

4.10 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթի կամ վնասի և այլ համապարփակ ֆինանսական արդյունքների մասին հաշվետվությունում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում:

Ոչ նյութական ակտիվների գնահատված օգտակար ծառայության ժամկետները ներկայացված են ստորև.

Համակարգչային ծրագրեր	1 - 10 տարի
-----------------------	-------------

4.11 Արտարժույթով գործարքներ

Արտարժույթով գործառնությունն այնպիսի գործառնություն է, որը սահմանված է արտարժույթով, կամ որը պահանջում է արտարժույթով կատարում (կարգավորում):

Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը:

Յուրաքանչյուր հաշվետու ժամանակաշրջանի վերջին՝

- ա) արտարժույթով դրամային հոդվածները վերահաշվարկվում են՝ կիրառելով փակման փոխարժեքը.
- բ) սկզբնական արժեքով չափվող արտարժույթով ոչ դրամային հոդվածները վերահաշվարկվում են (ներկայացվում են) գործառնության ամսաթվի փոխանակման փոխարժեքով. և
- գ) իրական արժեքով չափվող արտարժույթով ոչ դրամային հոդվածները վերահաշվարկվում են (ներկայացվում են) իրական արժեքի որոշման օրվա փոխանակման փոխարժեքով:

Դրամային հոդվածները առկա դրամական միջոցներն են, ինչպես նաև դրամական միջոցներով ստացման և վճարման ենթակա ակտիվները և պարտավորությունները: Արտարժույթի փոխանակման փոխարժեքի

փոփոխությունների հետևանքները հաշվառելու նպատակով դրամային հոդվածներ են համարվում նաև արտարժույթով տրված և ստացված կանխավճարները:

Ոչ դրամային հոդվածները հաշվեկշռի բոլոր հոդվածներն են, բացառությամբ առկա դրամական միջոցների, ինչպես նաև դրամական միջոցներով ստացման և վճարման ենթակա ակտիվների և պարտավորությունների: Որպես փոխանակման փոխարժեք ընդունվում է Հայաստանի Հանրապետության կենտրոնական բանկի կողմից հրապարակվող հաշվարկային փոխարժեքը:

<i>Արտարժույթ</i>	<i>31.12.2025թ</i>	<i>31.12.2024թ</i>
1 ԱՄՆ դոլար	381.36 դրամ	396.56 դրամ

4.12 Սեփական կապիտալ

Բաժնեմասեր

Բաժնեմասերը դասակարգվում են որպես սեփական կապիտալ:

Զբաղիված շահույթ

Ներառում է ընթացիկ և նախորդ ժամանակաշրջանների չբաղիված շահույթը:

Շահաբաժիններ

Շահաբաժիններ հայտարարելու և վճարելու Շնկերության կարողությունը կարգավորվում է Հայաստանի Հանրապետության օրենսդրությամբ սահմանված կարգով:

Էմիսիոն եկամուտ

Բաժնեմասերի թողարկման արժեքի և դրանց անվանական արժեքի միջև տարբերությունից ստացված միջոցներ:

Գլխավոր պահուստ

Այս պահուստը ձևավորվում է կանոնադրությամբ սահմանված չափով, բայց չպետք է պակաս լինի կանոնադրական կապիտալի 20 տոկոսից: Եթե պահուստը փոքր է կանոնադրությամբ սահմանված չափից, հատկացումները այդ հիմնադրամին կատարվում են շահույթից՝ առնվազն 3 տոկոսի չափով, ինչպես նաև էմիսիոն եկամտի միջոցներից:

4.13 Պահուստներ

Պահուստը ճանաչվում է, երբ Շնկերությունը՝ որպես անցյալ դեպքերի արդյունք, ներկա պահին ունի իրավական կամ կառուցողական պարտականություն, որը հնարավոր է արժանահավատորեն գնահատել, և հավանական է, որ այդ պարտականությունը մարելու համար կպահանջվի տնտեսական օգուտների արտահոսք: Պահուստները որոշվում են գեղջելով ակնկալվող ապագա դրամական հոսքերը գեղջման մինչև հարկումը դրույքով, որն արտացոլում է փողի ժամանակային արժեքի ընթացիկ շուկայական գնահատումները և այդ պարտավորությանը հատուկ ռիսկերը: Զեղչի գծով ծախսը ճանաչվում է որպես ֆինանսական ծախս:

5. Եկամուտ կառավարման վճարներից

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Եկամուտ ֆոնդերի կառավարումից	245,479	110,173

Եկամուտ արժեթղթերի փաթեթի կառավարումից	13,988	7,521
Ընդամենը	259,467	117,694

Ընկերությունը ստանում է կառավարման վճար իր կողմից կառավարվող ֆոնդերից և հաճախորդների արժեթղթերի փաթեթի կառավարումից:

Ֆոնդերի կառավարումից կառավարման վճարը հաշվարկվում է ամսական և եռամսյակային կտրվածքով՝ ֆոնդերի գուտ ակտիվների արժեքի նկատմամբ սահմանված տարեկան դրույքաչափով, դրույքաչափերը սահմանվում են համապատասխան ֆոնդերի կանոններով:

Արժեթղթերի փաթեթի կառավարումից կառավարման վճարը հաշվարկվում է եռամսյակային կտրվածքով՝ հավատարմագրային կառավարման հանձնված գույքի գուտ ակտիվների արժեքի նկատմամբ սահմանված տարեկան դրույքաչափով, դրույքաչափերը սահմանվում են համապատասխան պայմանագրերով:

6. Զուտ եկամուտ առևտրային գործունեությունից

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Օգուտ իրական արժեքի փոփոխությունից	66,833	23,068
Վնաս իրական արժեքի փոփոխությունից	(331)	(1,585)
Եկամուտ արտարժույթի փոխարժեքային տարբերությունից	92	514
Ծախս արտարժույթի փոխարժեքային տարբերությունից	(1,290)	(785)
Ընդամենը	65,304	21,212

7. Ընդհանուր գործառնական ծախսեր

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Աշխատավարձ և դրան հավասարեցված այլ վճարներ	(27,399)	(20,670)
Մաշվածություն և ամորտիզացիա	(811)	(859)
Միջոնրդավճարներ և վճարներ բանկերին	(311)	(382)
Գրասենյակային, կոմունալ և կապի գծով ծախսեր	(3,012)	(3,275)
Մասնագիտական և խորհրդատվական ծախսեր	(6,120)	(6,120)
Գործառնական վարձակալության գծով ծախսեր	(7,213)	(6,888)
Պետական տուրք	(501)	(500)
Զփոխհատուցվող հարկեր	(85)	(182)
Այլ գործառնական ծախսեր	(244)	(201)
Ընդամենը	(45,696)	(39,077)

8. Շահութահարկի գծով ծախս

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Ընթացիկ	(39,188)	(6,523)
Հետաձգված	327	194
Ընդամենը	(38,861)	(6,329)

Արդյունավետ հարկային դրույքաչափի համադրումը ներկայացված է ստորև.

Հազար դրամ	2025թ. դեկտեմբերի 31-ին ավարտված տարի	Արդյունավետ հարկային դրույքաչափ (%)	2024թ. դեկտեմբերի 31-ին ավարտված տարի	Արդյունավետ հարկային դրույքաչափ (%)
Շահույթ մինչև հարկումը	279,197		100,073	
Շահութահարկ՝ 18%	50,255	18%	18,013	18%
Զուտ օգուտ իրական արժեքի փոփոխությունից	(11,970)	-4%	(3,867)	-4%
Փոխարժեքային տարբերությունների գծով	224	0%	53	0%
Նախորդ տարիների հարկային վնասի գծով	-	0%	(7,850)	-8%
Այլ չնվազեցվող ծախսեր / (չհարկվող եկամուտ), զուտ	352	0%	(20)	0%
Շահութահարկի գծով ծախս	(38,861)	14%	6,329	6%

9. Դրամական միջոցներ և դրանց համարժեքներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Դրամական միջոցներ և դրանց համարժեքներ	15,025	32,671
Ընդամենը	15,025	32,671

Դրամական միջոցներ և դրանց համարժեքների նկատմամբ սահմանափակումներ առկա չեն:

ԱՊԿ չափման նպատակով դրամական միջոցների և դրանց համարժեքների մնացորդները տեղաբաշխված են փուլ 1-ում:

Հաշվետու և նախորդ ամսաթվի դրությամբ ԱՊԿ գծով պահուստն էական չէ:

10. Կառավարման վճարների գծով դեբիտորական պարտքեր

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Արժեթղթերի փաթեթի կառավարման գծով դեբիտորական պարտք	4,260	707
Ներդրումային ֆոնդերի կառավարման գծով դեբիտորական պարտք	75,582	12,577
Ընդամենը	79,842	13,283

Հաշվետու և նախորդ ամսաթվի դրությամբ Ընկերությունը չունի ժամկետանց կամ խնդրահարույց պահանջներ:

ԱՊԿ չափման նպատակով դեբիտորական պարտքերի մնացորդները տեղաբաշխված են փուլ 1-ում: Հաշվետու և նախորդ ամսաթվի դրությամբ ԱՊԿ գծով պահուստն էական չէ:

11. Իրական արժեքով՝ շահույթի կամ վնասի միջոցով չափվող ֆինանսական ակտիվներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Ընկերության կողմից կառավարվող ֆոնդերում փայեր՝ «Փրայմ Ինվեսթ» ոչ հրապարակային, մասնագիտացված, միջակայքային, պայմանագրային ներդրումային ֆոնդ	177,630	86,692
«Փրայմ Կապիտալ» ՍՊԸ-ի «Փրայմ Պրոֆ» որակավորված ներդրողների, ոչ հրապարակային, մասնագիտացված (լրացուցիչ ռիսկով), միջակայքային, պայմանագրային ներդրումային ֆոնդ	99,309	19,795
Ընդամենը	276,939	106,487

12. Տրված փոխառություններ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Կապակցված կողմին</i>		
Անտոկոս	-	30,000
Ընդամենը	-	30,000

13. Հիմնական միջոցներ և ոչ նյութական ակտիվներ

Հազար դրամ	Գրասենյակային սարքավորում և այլ հիմնական միջոցներ	Համակարգչային և այլ տեխնիկա	Համակարգչային ծրագրեր	Ընդամենը
<i>Սկզբնական արժեք</i>				
2024թ. հունվարի 1-ի դրությամբ	1,992	3,844	5,070	10,906
Ավելացում			279	279
2024թ. դեկտեմբերի 31-ի դրությամբ	1,992	3,844	5,349	11,185
Ավելացում	-	179	79	258
2025թ. դեկտեմբերի 31-ի դրությամբ	1,992	4,023	5,428	11,444
<i>Մաշվածություն և ամորտիզացիա</i>				
2024թ. հունվարի 1-ի դրությամբ	1,299	3,713	2,031	7,042
Տարվա ծախս	177	131	551	859

2024թ. դեկտեմբերի 31-ի դրությամբ	1,476	3,844	2,582	7,902
Տարվա ծախս	177	22	612	811
2025թ. դեկտեմբերի 31-ի դրությամբ	1,653	3,866	3,194	8,713
<i>Հաշվեկշռային արժեք</i>				
2024թ. դեկտեմբերի 31-ի դրությամբ	517	-	2,767	3,284
2025թ. դեկտեմբերի 31-ի դրությամբ	339	157	2,234	2,731

Հաշվետու և նախորդ ամսաթվի դրությամբ Ընկերության հիմնական միջոցները և ոչ նյութական ակտիվներ գրավադրված չեն և դրանց նկատմամբ այլ սահմանափակումներ առկա չեն:

Հաշվետու և նախորդ ամսաթվի դրությամբ Ընկերությունը վաճառքի համար պահվող, ժամանակավորապես շահագործումից հանված հիմնական միջոցներ և ոչ նյութական ակտիվներ չունի:

2025թ. դեկտեմբերի 31-ի դրությամբ հիմնական միջոցների ցանկում ներառված ամբողջությամբ մաշված ակտիվների սկզբնական արժեքը կազմում է 4,499 հազար ՀՀ դրամ (2024թ.՝ 4,420 հազար ՀՀ դրամ):

14. Ստացված փոխառություններ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Կապակցված կողմից</i>		
Անտոկոս	68,000	-
Ընդամենը	68,000	-

2025թ. դեկտեմբերի 31-ի դրությամբ առկա փոխառությունները հանդիսանում են կարճաժամկետ փոխառություններ, որոնք նախատեսված են եղել մարել 2026թ. հունվար ամսվա ընթացքում և փաստացի հաշվետու ամսաթվից հետո արդեն մարված են:

15. Պահուստներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Պարտավորություններ չօգտագործված արձակուրդի գծով	4,646	2,853
Պարտավորություններ աուդիտի գծով	1,800	1,800
Ընդամենը	6,446	4,653

16. Մեփական կապիտալ

Կանոնադրական կապիտալ

Ընկերության կանոնադրական կապիտալը 2025թ. վերջի դրությամբ կազմում է 60,000 հազար ՀՀ դրամ (2024՝ 52,000 հազար ՀՀ դրամ), որը բաժանված է 80,000 բաժնեմասի, բաժնեմասի անվանական արժեքը կազմում է 750 ՀՀ դրամ (2024՝ 650 ՀՀ դրամ):

Ընկերության բոլոր բաժնեմասերը տեղաբաշխված են, լրիվ վճարված են և պատկանում են միակ մասնակից Ներսես Սարինյանին:

2025թ. ընթացքում Ընկերության կանոնադրական կապիտալը աճել է 8,000 հազար ՀՀ դրամով՝ բաժնեմասի անվանական արժեքի աճի ճանապարհով, բաժնեմասի անվանական արժեքը սահմանելով 750 ՀՀ դրամ նախկին 650 ՀՀ դրամի փոխարեն: Աճը տեղի է ունեցել Ընկերության միակ մասնակցի կողմից սեփական դրամական միջոցների հաշվին կանոնադրական կապիտալի համալրման միջոցով:

Էմիսիոն եկամուտ

2024թ.-ին նախորդող տարում կանոնադրական կապիտալի նվազեցումը 28,000 հազար ՀՀ դրամի չափով ճանաչվել է որպես Էմիսիոն եկամուտ: Էմիսիոն եկամուտը չի կարող օգտագործվել շահաբաժին վճարելու համար և հետագայում Ընկերության միակ մասնակցի որոշմամբ կարող է ուղղվել նախորդ ժամանակաշրջանների վնասների ծածկմանը, պահուստային կապիտալին կամ կանոնադրական կապիտալի ավելացմանը: 2024թ.-ին արդեն նախորդ տարվանից առկա էմիսիոն եկամուտից Ընկերության միակ մասնակցի որոշմամբ հատկացվել է գլխավոր պահուստին՝ 7,600 հազար ՀՀ դրամի չափով:

2025թ.-ին էմիսիոն եկամուտի հոդվածի հետ կապված փոփոխություններ չեն գրանցվել:

Գլխավոր պահուստ

Ընկերությունը ունի պահուստային հիմնադրամ կանոնադրական կապիտալի 20 տոկոսի չափով, որը ստեղծվում է Ընկերության շահույթից մասհանումների, ինչպես նաև էմիսիոն եկամտի հաշվին: Եթե պահուստային կապիտալը կազմում է վերոնշյալ չափից ավելի փոքր մեծություն, հատկացումները այդ հիմնադրամին կատարվում են շահույթից՝ առնվազն 3 տոկոսի չափով, ինչպես նաև էմիսիոն եկամտի միջոցներից:

Պահուստային հիմնադրամը օգտագործվում է Ընկերության կորուստները ծածկելու համար, եթե Ընկերության շահույթն այդ նպատակին չի բավարարում: Պահուստային հիմնադրամը չի կարող օգտագործվել այլ նպատակների համար:

Շահաբաժիններ

Ընկերությունը իրավունք ունի Ընդհանուր ժողովի որոշմամբ իրականացնել շահույթի բաշխումն իր մասնակիցների միջև՝ եռամսյակային, կիսամսյակային կամ տարեկան շահաբաժիններ վճարելու միջոցով: Վճարման ենթակա շահաբաժինները սահմանափակվում են ՀՀ օրենսդրությամբ սահմանված Ընկերության առավելագույն չբաշխված շահույթի չափով:

2025թ.-ին Ընկերության ընդհանուր ժողովի որոշմամբ Ընկերությունը հայտարարել և վճարել է շահաբաժիններ 80,000 հազար ՀՀ դրամի չափով (ներառյալ հարկը) 2024թ. տարեկան ֆինանսական հաշվետվությունների հիման վրա: Հետագայում 2025թ. երեք եռամսյակների արդյունքների հիման վրա Ընկերության ընդհանուր ժողովի որոշմամբ հայտարարվել և վճարվել է ևս 80,000 հազար դրամ շահաբաժիններ:

17. Իրական արժեք և ռիսկերի կառավարում

(ա) Ֆինանսական գործիքների իրական արժեք

Այս ծանոթագրությունում ներկայացվում է տեղեկատվություն տարբեր ֆինանսական ակտիվների և ֆինանսական պարտավորությունների իրական արժեքը որոշելու Ընկերության մեթոդների մասին:

Ընկերության՝ շարունակական հիմունքով իրական արժեքով չափվող ֆինանսական ակտիվների և ֆինանսական պարտավորությունների իրական արժեքը

Ընկերության որոշ ֆինանսական ակտիվներ չափվում են իրական արժեքով յուրաքանչյուր հաշվետու ժամանակաշրջանի վերջում: Ստորև բերված աղյուսակում ներկայացված են Ընկերության ֆինանսական ակտիվների իրական արժեքի որոշման սկզբունքները (մասնավորապես՝ գնահատման մեթոդ(ները) և օգտագործված ելակետային տվյալները):

Ֆինանսական ակտիվներ	Իրական արժեք առ		Իրական արժեքի հիերարխիա	Գնահատման մեթոդ(ներ) և հիմնական ելակետային տվյալ(ներ)
	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ		
Հազար դրամ				
Իրական արժեքով՝ շահույթի կամ վնասի միջոցով չափվող ֆինանսական ակտիվներ				
Փայեր ֆոնդերում	276,939	106,487	2-րդ մակարդակ	Մեկ փայի գծով գուտ ակտիվների վերջին հրապարակված արժեքը՝ հաշվետու ամսաթվի դրությամբ

Ղեկավարությունը հիմնվում է սեփական դատողությունների վրա ֆինանսական գործիքները դասակարգելիս՝ օգտագործելով իրական արժեքի հիերարխիան: Գնահատման ելակետային տվյալների նշանակությունը գնահատվում է իրական արժեքի ամբողջական չափման համեմատությամբ:

Ընկերության՝ շարունակական հիմունքով իրական արժեքով չափվող ֆինանսական ակտիվների և ֆինանսական պարտավորությունների իրական արժեքը (որոնց համար, սակայն, պահանջվում են իրական արժեքի բացահայտումներ)

Հաշվի առնելով շարունակական հիմունքով իրական արժեքով չափվող ֆինանսական ակտիվների և ֆինանսական պարտավորությունների կարճաժամկետ բնույթը՝ ղեկավարությունը գտնում է, որ դրանց հաշվեկշռային արժեքները մոտավորապես համապատասխանում են իրական արժեքին: Կիրառելի լինելու դեպքում, համապատասխան ակտիվին կամ պարտավորությանը վերաբերող ծանոթագրություններում բացահայտվում է լրացուցիչ տեղեկատվություն իրական արժեքի որոշման հիմքում ընկած ենթադրությունների վերաբերյալ, սակայն, հաշվի առնելով անորոշությունները և սուբյեկտիվ դատողությունները, իրական արժեքը չպետք է դիտարկվի որպես իրացվելի՝ անմիջապես ակտիվների վաճառքի կամ պարտավորությունների մարման պահին:

(բ) Ֆինանսական ռիսկերի կառավարում

Ֆինանսական գործիքներն օգտագործելիս Ընկերությունը ենթարկվում է հետևյալ ռիսկերին

- պարտքային ռիսկ,
- իրացվելիության ռիսկ,
- շուկայական ռիսկ:

Ընկերության ռիսկի կառավարման ընդհանուր ծրագիրը հաշվի է առնում Հայաստանի ֆինանսական շուկայի անկանխատեսելիությունը և ոչ արդյունավետությունը և ձգտում է նվազեցնել բացասական ազդեցությունն Ընկերության ֆինանսական արդյունքների վրա: Ընկերության ղեկավարությունը վերահսկում է այդ ռիսկերի կառավարումը, և ֆինանսական ռիսկային գործունեությունը կառավարվում է համապատասխան քաղաքականությունների և ընթացակարգերի միջոցով՝ նպատակ ունենալով ապահովել, որպեսզի ֆինանսական ռիսկերը հայտնաբերվեն, չափվեն և կառավարվեն Ընկերության քաղաքականության համաձայն:

Ընկերությունը ենթարկվում է պարտքային, իրացվելիության և շուկայական ռիսկերին: Այդ ռիսկերից յուրաքանչյուրի կառավարման քաղաքականությունն ամփոփված է ստորև:

(i) Ռիսկերի կառավարման հիմունքներ

Ղեկավարությունը պատասխանատու է Ընկերության ռիսկերի կառավարման համակարգի կազմակերպման և հսկողության համար:

Ընկերության ռիսկերի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Ընկերությունը, սահմանել ռիսկերի համապատասխան սահմանաչափեր և հսկողության մեխանիզմներ, ինչպես նաև հսկել ռիսկերի մակարդակները և դրանց համապատասխանությունը սահմանված սահմանաչափերին: Ռիսկերի կառավարման քաղաքականությունը և ընթացակարգերը կանոնավոր կերպով վերանայվում են՝ շուկայական պայմանների և Ընկերության գործունեության փոփոխություններն արտացոլելու նպատակով:

(ii) Պարտքային ռիսկ

Պարտքային ռիսկը ֆինանսական կորուստ կրելու ռիսկն է, երբ հաճախորդը կամ ֆինանսական գործիքի պայմանագրային կողմը չի կատարում իր պայմանագրային պարտականությունները: Պարտքային ռիսկն առաջանում է հիմնականում դրամական միջոցների և դրանց համարժեքների, կառավարման վճարների գծով դեբիտորական պարտքերի և տրված փոխառություններ հետ կապված:

Ֆինանսական ակտիվների և պայմանագրի գծով ակտիվների հաշվեկշռային արժեքը ներկայացնում է առավելագույն ենթարկվածությունը պարտքային ռիսկին:

Ստորև ներկայացված է ակտիվների գծով պարտքային ռիսկին ենթարկվածությունը 2025թ. դեկտեմբերի 31-ի և 2024թ. դեկտեմբերի 31-ի դրությամբ:

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Սնորտիզացված արժեքով հաշվառվող ֆինանսական ակտիվներ</i>		
Դրամական միջոցներ և դրանց համարժեքներ	15,025	32,671
Կառավարման վճարների գծով դեբիտորական պարտքեր	79,842	13,283
Տրված փոխառություններ	-	30,000
Ընդամենը	94,867	75,954

Հաշվետու և նախորդ ամսաթվի դրությամբ ֆինանսական ակտիվները ժամկետանց կամ արժեզրկված չեն:

(iii) Իրացվելիության ռիսկ

Իրացվելիության ռիսկը ենթադրում է, որ Ընկերությունը կունենա դժվարություններ ֆինանսական պարտավորությունների հետ կապված իր պարտականությունները կատարելիս, որոնք մարվելու են դրամական միջոցներ կամ այլ ֆինանսական ակտիվ տրամադրելով: Իրացվելիության ռիսկի կառավարման հարցում Ընկերության մոտեցումն է ապահովել, որքանով հնարավոր է, բավարար իրացվելիություն սովորական և արտասովոր պայմաններում պարտավորությունները սահմանված ժամկետներում կատարելու համար՝ առանց անընդունելի կորուստներ կրելու կամ Ընկերության հեղինակությունը վտանգելու:

Ենթարկվածությունն իրացվելիության ռիսկին

Ստորև ներկայացված են ֆինանսական պարտավորությունների մինչև մարումը մնացած պայմանագրային ժամկետները հաշվետու ամսաթվի դրությամբ: Ներկայացված են համախառն և չզեղչված գումարները:

31 դեկտեմբերի 2025թ. Հազար դրամ	Մինչև 1 տարի	1 ից երեք տարի	3 տարուց ավել	Ընդամենը
Առևտրային կրեդիտորական պարտքեր	386	-	-	386
Ստացված փոխառություններ	68,000	-	-	68,000
Ընդամենը	68,386	-	-	68,386

31 դեկտեմբերի 2024թ. Հազար դրամ	Մինչև 1 տարի	1 ից երեք տարի	3 տարուց ավել	Ընդամենը
Առևտրային կրեդիտորական պարտքեր	386	-	-	386
Ստացված փոխառություններ	-	-	-	-
Ընդամենը	386	-	-	386

(iii) Շուկայական ռիսկ

Շուկայական ռիսկն Ընկերության եկամտի կամ ֆինանսական գործիքների արժեքի տատանման ռիսկն է շուկայական գների, օրինակ՝ արտարժույթի փոխարժեքների, տոկոսադրույքների և բաժնետոմսերի գների, փոփոխությունների հետևանքով: Շուկայական ռիսկի կառավարման նպատակն է կառավարել և հսկել շուկայական ռիսկին ենթարկվածությունը և պահպանել այն ընդունելի սահմանաչափերում՝ միաժամանակ ապահովելով ռիսկի դիմաց եկամտաբերության օպտիմալացում:

Արժույթային ռիսկ

2025թ. դեկտեմբերի 31-ի դրությամբ	ԱՄՆ դոլար	Հազար ՀՀ դրամ
<i>Ֆինանսական ակտիվներ</i>		
Այլ ակտիվներ	3,000	1,144
Փայեր ֆոնդերում	260,408	99,309
	263,408	100,453
<i>Ֆինանսական պարտավորություններ</i>		
	-	-
Զուտ արդյունք	263,408	100,453
2024թ. դեկտեմբերի 31-ի դրությամբ	ԱՄՆ դոլար	Հազար ՀՀ դրամ
<i>Ֆինանսական ակտիվներ</i>		
Այլ ակտիվներ	3,000	1,190
Փայեր ֆոնդերում	49,917	19,795
	52,917	20,985
<i>Ֆինանսական պարտավորություններ</i>		
	-	-
Զուտ արդյունք	52,917	20,985

Ստորև բերված աղյուսակում ներկայացված է Ընկերության զգայունությունը՝ ԱՄՆ դոլարի նկատմամբ դրամի 10% (2024թ.՝ 10%) աճին:

10%-ը (2024թ.՝ 10%) ղեկավարության կողմից գնահատված փոխարժեքի հավանական փոփոխությունն է: Ջգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2024թ.՝ 10%): Վերլուծությունն իրականացնելիս ենթադրվում է, որ մյուս բոլոր փոփոխականները, մասնավորապես տոկոսադրույքները, կմնան անփոփոխ և հաշվի չի առնվում կանխատեսվող վաճառքների և գնումների ազդեցությունը:

Դրամի արժևորումը ԱՄՆ դոլարի նկատմամբ 10%-ով (2024թ.՝ 10%) կունենա հետևյալ ազդեցությունը:

Հազար դրամ	ԱՄՆ դոլարի ազդեցություն	
	2025թ.	2024թ.
Շահույթ կամ վնաս	10,045	2,098

Տոկոսադրույքի ռիսկ

Տոկոսադրույքների փոփոխություններն ազդում են միայն տրված փոխառությունների վրա: Այնուամենայնիվ, ղեկավարության գնահատմամբ Ընկերության ենթարկվածությունը տոկոսադրույքի ռիսկին էական չէ:

Այլ գնային ռիսկեր

Ընկերությունը ենթարկվում է գնային ռիսկերի ֆոնդերում փայերի հետ կապված: Փայերը ֆոնդերում պահվում են հիմնականում օրենսդրական, ռազմավարական և ներդրումային, այլ ոչ՝ առքուվաճառքի նպատակներով: Ընկերությունն այդ փայերի ակտիվ առք ու վաճառք չի իրականացնում:

Ստորև ներկայացված զգայնության վերլուծությունը հիմնված է հաշվետու ժամանակաշրջանի վերջում փայերի հետ կապված գնային ռիսկերի ենթարկվածության վրա:

Եթե մեկ փայի արժեքն աճեր / նվազեր 5%-ով, 2025թ. շահույթը կաճեր / կնվազեր 13,847 հազար ՀՀ դրամով շահույթի կամ վնասի միջոցով իրական արժեքով չափվող ֆինանսական ակտիվների իրական արժեքի փոփոխությունների արդյունքում (2024թ. շահույթը կաճեր / կնվազեր 5,324 հազար ՀՀ դրամով):

18. Գործարքներ կապակցված կողմերի հետ

Ներկայացվող հաշվետվությունների առումով Ընկերության կապակցված կողմերն են՝ Հիմնադիրը, Տնօրենների խորհուրդը, Գործադիր տնօրենը, և Ընկերության կողմից կառավարվող ֆոնդերը:

Հսկողություն

Ընկերության բաժնեմասերը ամբողջովին պատկանում են Ներսես Մարինյանին, ով հանդիսանում է վերջնական հսկող:

Ընկերությունն իր գործունեության ընթացքում իրականացնում է գործարքներ կապակցված կողմերի հետ: Կապակցված կողմերի հետ իրականացված գործարքների մանրամասները հետևյալն են.

ա) Առանցքային կառավարչական անձնակազմի հետ կատարված գործարքներ

Հազար ՀՀ դրամ	Գործարքի գումարը դեկտեմբերի 31-ին ավարտված տարվա համար		Վճարման ենթակա մնացորդը առ 31 դեկտեմբերի		Ստացման ենթակա մնացորդը առ 31 դեկտեմբերի	
	2025թ.	2024թ.	2025թ.	2024թ.	2025թ.	2024թ.
Աշխատավարձ և դրան հավասարեցված այլ վճարներ	11,433	8,147	2,884	1,431	-	-

բ) Վերջնական հսկողի հետ կատարված գործարքներ

Հազար ՀՀ դրամ	Գործարքի գումարը դեկտեմբերի 31-ին ավարտված տարվա համար		Վճարման ենթակա մնացորդը առ 31 դեկտեմբերի		Ստացման ենթակա մնացորդը առ 31 դեկտեմբերի	
	2025թ.	2024թ.	2025թ.	2024թ.	2025թ.	2024թ.
Տրված փոխառություններ	35,000	30,000	-	-	-	30,000
Ստացված փոխառություններ	68,000	-	68,000	-	-	-
Շահաբաժիններ	160,000	10,300	-	-	-	-

գ) Ընկերության կողմից կառավարվող ֆոնդերի հետ կատարված գործարքներ

Հազար ՀՀ դրամ	Գործարքի գումարը դեկտեմբերի 31-ին ավարտված տարվա համար		Վճարման ենթակա մնացորդը առ 31 դեկտեմբերի		Ստացման ենթակա մնացորդը առ 31 դեկտեմբերի	
	2025թ.	2024թ.	2025թ.	2024թ.	2025թ.	2024թ.
Եկամուտ ֆոնդերի կառավարումից	245,479	110,173	-	-	75,582	12,577

Հազար ՀՀ դրամ	Գործարքի գումարը դեկտեմբերի 31-ին ավարտված տարվա համար		Մնացորդը առ 31 դեկտեմբերի	
	2025թ.	2024թ.	2025թ.	2024թ.
Փոնդերում փայեր	105,146	14,414	276,939	106,487

19. Կապիտալի ռիսկի կառավարում

Ընկերությունը կառավարում է իր կապիտալը գործունեություն անընդհատության հիմունքով շարունակելու իր կարողությունն ապահովելու համար՝ միաժամանակ նպատակ ունենալով առավելագույնի հասցնել շահառուների եկամուտները: Ընկերության կապիտալը ներառում է սեփական կապիտալը, որը բաղկացած է թողարկված կապիտալից, էմիսիոն եկամտից, գլխավոր պահուստից և չբաշխված շահույթից, որոնք բացահայտված են սեփական կապիտալում փոփոխությունների մասին հաշվետվությունում: Ընկերության կապիտալի ռիսկի կառավարման քաղաքականությունն, ընդհանուր առմամբ, մնացել է անփոփոխ է 2025թ. և 2024թ. ընթացքում:

Ընկերության կապիտալի համարժեքության ցուցանիշը վերահսկվում է օգտագործելով, ի թիվս այլ միջոցների, ՀՀ ԿԲ-ի կողմից սահմանված նորմատիվները:

Ընկերության՝ որպես կապիտալ կառավարվող գումարները ստուգվող հաշվետու տարվա համար ամփոփված են ստորև.

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Ընդհանուր սեփական կապիտալ	264,889	176,553
Հանած՝ դրամական միջոցներ և դրանց համարժեքներ	(15,025)	(32,671)
Կապիտալ	249,864	143,882
Ընդհանուր սեփական կապիտալ	264,889	176,553
Ընդհանուր ֆինանսավորում	264,889	176,553
Կապիտալի և ընդհանուր ֆինանսավորման հարաբերակցություն	0.94	0.81

20. Պայմանականություններ

20.1 Հարկեր

Հայաստանի Հանրապետության հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

20.2 Ապահովագրություն

Հայաստանում ապահովագրական համակարգը զարգացման փուլում է և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Ընկերության գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական վիճակի վրա:

20.3 Շրջակա միջավայրի հետ կապված խնդիրներ

Ղեկավարության համոզմամբ՝ Ընկերությունը բավարարում է շրջակա միջավայրի հետ կապված Կառավարության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանությունները ապագայում կարող են էական պարտավորություններ առաջացնել:

20.4 Դատական գործեր

Պետական մարմինների և տնտեսավարող սուբյեկտների կողմից ընդդեմ Ընկերության չեն ներկայացվել այնպիսի հայցադիմումներ, որոնք կարող են էական սպառնալիք հանդիսանալ վերջինիս նորմալ գործունեության համար:

20.5 Պայմանական պարտավորություններ

Ընկերությունը հաշվետու ամսաթվի դրությամբ չունի այլ անձանց տրամադրած երաշխավորություններ, երաշխիքներ և այլ պայմանական պարտավորություններ:

21. Հաշվետու ժամանակաշրջանից հետո տեղի ունեցող դեպքեր

Հաշվետու ամսաթվից հետո մինչև վավերացման ամսաթիվը ընկած ժամանակահատվածում ճշգրտող դեպքեր տեղի չեն ունեցել:

Հաշվետու ամսաթվից հետո՝ 2026թ. փետրվարի 28-ից, սկսվել է ԱՄՆ-ի և Իսրայելի ռազմական գործողություններով պայմանավորված զինված հակամարտություն Իրանի դեմ, որն ուղեկցվում է տարածաշրջանային լարվածության էական աճով: Հայաստանի Հանրապետությունը սահմանակից է Իրանին, ուստի ստեղծված իրավիճակը կարող է բացասաբար ազդել տնտեսական միջավայրի և շուկաների վրա՝ պայմանավորելով անկայունություն, սահմանափակումներ և խափանումներ միջազգային փոխադրումների, մատակարարումների, գնագոյացման և ֆինանսական շուկաների ոլորտներում: Ղեկավարությունը գնահատում է, որ տվյալ իրադարձությունը 2025թ. դեկտեմբերի 31-ի դրությամբ կազմված ֆինանսական հաշվետվությունների համար հանդիսանում է չճշգրտող դեպք, իսկ հնարավոր ազդեցության չափը հաշվետվությունների թողարկման պահին վստահելի կերպով քանակապես գնահատել հնարավոր չէ՝ իրադարձությունների շարունակականության և բարձր անորոշության պատճառով: